

永平府志卷之一

萊陽宋 琬撰次 府學訓導徐 香參訂

蕭山張朝琮續纂 盧龍教諭胡仁濟校輯

世紀

夫志一方之史也不論世其何徵焉曩郭建初爲戚少保作燕史十年而成其書不傳而略見於府志然且西包薊北東跨遼水北舉大寧事該文奧讀者不能盡究茲爲一郡之書不得不以今日之疆理爲斷故於古之所謂昌黎柳城和龍之事皆不錄此亦寓

永平府志

卷之一

一

內方志義例之所同而往蹟之存多于塞外後之君子欲知之者自能觀全史而得之也

堯都冀州命禹治水任土作貢夾右碣石入于河

舜肇十有二州

舜分冀州自衛水以北爲并州醫無之地爲幽州碣石以東接青州之北爲營州

湯十有八祀三月王至東郊立聖賢古有功者之後封孤

竹等國各有差

詳見古蹟

殷之末年孤竹君之二子伯夷叔齊讓國而逃

詳見先聖藝文

周武王克殷伯夷叔齊餓于首陽之下

惠王十有三年冬齊桓公伐山戎

史記山戎伐燕燕告急于齊齊桓公北伐山戎

山戎走國語載桓公之言曰寡人北伐山戎
荆今支斬孤竹而南歸海濱諸侯莫不來服

七國時燕北有東胡山戎

通鑑註自漢北平無終白狼以
北皆大山重谷諸戎居之春秋

謂之
山戎

各分散居谿谷自有君長燕築長城自造陽至襄平

置上谷漁陽右北平遼西遼東郡以拒胡

詳見
沿革

秦始皇三十二年始皇之碣石使燕人盧生求羨門高誓

壞城郭決通隄防

三十三年使蒙恬築長城起臨洮至遼東萬餘里

詳見
古蹟

二世元年東行郡縣到碣石並海盡刻始皇所立刻石石

旁著大臣從者名

永平府志

卷之一

二

漢武帝元朔元年秋匈奴二萬騎入漢殺遼西太守畧二

千餘人圍材官將軍韓安國于漁陽會燕救至匈奴乃去

安國益東徙屯右北平數月病死天子乃復召李廣拜爲

右北平太守匈奴畏之數歲不敢入右北平

五年春以大行李息岸頭侯張次公爲將軍出右北平擊

匈奴

元狩二年夏衛尉張騫郎中令李廣出右北平擊匈奴

三年匈奴數萬騎入右北平殺畧千餘人

四年夏票騎將軍霍去病出伐右北平二千餘里擊匈奴

鹵獲多天子封其所部右北平太守路博德等四人爲列侯

元封元年夏土東巡海上至碣石

光武帝建武元年夏遣吳漢率耿弇景丹等十三將軍追賊至潞東及平谷斬首萬三千餘級遂窮追於右北平無終土垠之間至浚靡而還

二年春漁陽太守彭寵反攻拔右北平數縣

二十五年春正月遼東徼外貊人寇右北平遼東太守祭彤招降之

永平府志

卷之一

三

和帝永元九年秋八月鮮卑寇肥如

十三年冬十一月鮮卑寇右北平遂入漁陽漁陽太守擊破之

安帝元初四年夏四月遼西鮮卑連休等入寇郡兵與烏桓大人於秩居等共擊大破之斬首千三百級

永寧元年冬十二月遼西鮮卑大人烏倫其至鞬率衆詣度遼將軍祭遵降

桓帝延熹九年夏六月南匈奴及烏桓鮮卑寇緣邊九郡

靈帝熹平六年冬鮮卑寇遼西太守趙苞擊破之

詳見名宦

中平四年前中山相張純前泰山太守張舉反與烏桓大人丘力居等連盟殺護烏桓校尉公綦稠右北平太守劉政等衆至十餘萬屯肥如

五年詔騎都尉公孫瓚討之瓚與戰於屬國石門純等大敗踰塞走瓚深入無繼反爲丘力居等所圍於遼西管子城二百餘日糧盡衆潰士卒死者什五六

六年春三月幽州牧劉虞購斬張純

獻帝興平二年右北平殺公孫瓚所置長吏以郡歸劉虞子和

永平府志

卷之一

四

建安十年春袁熙與其弟尚犇遼西烏桓

十二年曹操擊烏桓單于蹋頓上徐無山塹山堙谷五百餘里經白檀歷平岡涉鮮卑庭至白狼山與戰大破之斬蹋頓及名王已下胡漢降者二十餘萬口

詳見田疇傳

魏明帝景初二年遣太尉司馬懿伐公孫淵經孤竹越碣

石次于遼水

晉武帝泰始十年春分幽州置平州

治昌黎然非今之昌黎也詳見古蹟

太康六年鮮卑慕容廆寇遼西遣幽州軍討之戰于肥如廆衆大敗自是每歲犯邊

惠帝時鮮卑段務勿塵據有遼西之地所統三萬餘家控弦四五萬騎安北將軍都督幽州諸軍事王浚以世亂欲結援 表以遼西郡封務勿塵爲遼西公

愍帝建興元年慕容廆攻段氏取徒河新城至陽樂時中

國流民歸廆者數萬家廆以冀州人爲冀陽郡魏書冀陽郡當置

於漢北平平剛縣界 豫州人爲成周郡青州人爲營丘郡水經注渝水南流逕

營丘城西南入于海 并州人爲唐國郡成周唐國二郡地闕

元帝永昌元年慕容廆遣其世子皝襲段末柸入令支掠其居民千餘家而還

永平府志

卷之一

成帝咸康四年春趙王虎自將伐段遼遼棄令支帥妻子

宗族豪大千餘家奔密雲山趙人徙段國民二萬餘戶於

司雍充豫四州

五年夏四月燕前軍師慕容評襲趙將石成等于遼西俘

獲千餘家而去趙王虎乃盡徙遼西民於冀州之南

六年秋趙王虎命司冀青徐幽并雍七州之民五丁取三

四丁取二合鄴城舊兵滿五十萬具船萬艘自河通海運

穀千一百萬斛於樂安城即今樂亭縣 自幽州以東至白狼大

興屯田悉括取民馬得四萬餘匹大閱於宛陽欲以擊燕

康帝建元元年秋趙王虎命段蘭帥所從鮮卑五千人屯
令支

穆帝永和元年趙王虎使征東將軍鄧恒將兵數萬屯樂

安是年燕始不用晉年號自稱十二年自此以下並用燕
年紀之其下則稱燕王稱名並依司馬溫公通鑑目錄

書法

燕烈祖雋二年燕王雋使慕容霸將兵二萬自東道出徒

河慕輿于自西道出蠓螭塞雋自中道出盧龍塞以伐趙

霸軍至三陁魏書海陽縣有橫山蓋卽三陁之地鄧恒焚倉庫棄樂安遁徒

河南部都尉孫泳入城撲滅餘火霸收樂安北平兵糧與

永平府志

卷之一

六

雋會臨渠

今三河縣

元璽二年命將軍步渾治盧龍道焚山刊石令通方軌

世祖垂二年秋建節將軍餘巖叛據令支遣慕容農擊斬

之

建興五年秋九月北平人吳柱聚衆千餘立沙門瀧長爲

天子破北平郡高陽王隆遣安昌侯進捕斬之

十一年春征東將軍平規反于魯口其弟海陽令翰亦起

兵於遼西以應之清河公會遣東陽公根等擊破之

烈宗寶永康三年夏四月蘭汗弑燕主寶遣其子和屯令

支長樂王盛遣兵襲誅之秋九月乙未以慕容豪爲幽州刺史鎮肥如

中宗^盛長樂元年夏魏前河間太守盧溥聚衆海濱攻掠

郡縣秋八月遼西太守李朗叛附于魏留其子養守令支自迎魏師於北平遣輔國將軍李旱討斬之

二年春正月魏材官將軍和突襲盧溥於遼西擒之燕主盛遣孟廣平救之不及斬魏遼西守宰而還二月襲高句麗拔新城南蘇二城徙其民五千餘戶于遼西

三年冬十二月魏虎威將軍宿沓干伐燕拔令支而戍之

永平府志

卷之一

七

昭文帝^熙光始二年春正月慕容拔攻魏令支戍克之執魏遼西太守那頡以拔爲幽州刺史鎮令支

四年冬十一月燕王熙與苻后游畋南臨滄海而還

六年大城肥如以上庸公懿爲鎮西將軍幽州刺史鎮令支尚書劉木爲鎮南大將軍冀州刺史鎮肥如

建始元年秋七月丙寅夕陽公雲弒其主熙自立幽州刺史上庸公懿以令支降魏

惠懿帝^雲正始二年夏五月以尚書令馮萬泥爲幽冀二州牧鎮肥如

北燕太祖跋 太平二年廣川公萬泥叛遣汲郡公弘討斬之

六年燕王跋從兄買從弟賂自長樂帥五千餘戶浮海入遼西臨渝至和龍

八年燕將庫儻官斌降魏已而復歸燕冬十月魏主嗣遣驍騎將軍延普渡濡水濡古灤字擊斌斬之

十年夏五月魏主嗣襲燕命驍騎將軍延普幽州刺史尉諾自幽州引兵趨遼西

十七年春二月魏慕容渴悉隣反于北平攻破郡治太守

永平府志

卷之一

八

與守將擊敗之

昭成帝弘 太興二年夏六月魏主伐燕秋七月己未至濡水己巳至和龍攻之不下九月乙卯引兵還徙營丘成周

遼東樂浪帶方玄菟六郡民三萬家於幽州通鑑註燕國自慕容以來

分置郡縣于遼西其間或省或併爲郡爲縣皆不可攻 冬十二月己丑長樂公崇以

肥如降魏燕王遣其將封羽圍之

三年春正月魏主遣永昌王健督軍救遼西

六年春三月魏平東將軍娥清等帥騎一萬伐燕平州刺史拓跋嬰帥遼西諸軍會之

魏高宗太安三年冬十月詔太宰常英起行宮於遼西黃

山魏書遼西郡肥如縣有黃山

四年春正月魏主巡平州庚午至黃山宮遊宴數日親對

高年勞問疾苦二月丙子登碣石山觀滄海大饗羣臣于

山下班賞進爵各有差改碣石山爲樂遊山築壇記行於

海濱

肅宗熙平二年秋九月城平州所治肥如城

孝昌元年秋八月杜洛周反于上谷九月以幽州刺史常

景兼尚書行臺與幽州都督元譚討之自盧龍塞至軍都

永平府志

卷之一

九

關皆置兵守險

二年秋九月就德興陷平州殺刺史王買奴

齊顯祖天保四年秋九月齊主北巡遂伐契丹冬十月丁

酉至平州從西道趨長塹

曹操征烏桓出盧龍塞塹山堙谷五百餘里後人因謂之長塹

使司徒潘相樂帥精騎五千自東道趨青山丁未旋師丁

巳登碣石山臨滄海

幼主承光元年周師至鄴營州刺史高寶寧率驍騎及契

丹靺鞨萬餘人赴救至北平聞鄴城不守乃還據營州

隋文帝開皇二年夏五月高寶寧寇平州

三年春三月癸亥城渝關夏四月幽州總管陰壽帥步騎
十萬出盧龍塞擊高寶寧平之

四年夏四月以上大將軍賀婁子幹爲渝關總管

十八年春二月高麗王元帥靺鞨衆萬餘寇遼西以漢王
諒王世積爲行軍元帥將兵三十萬伐高麗夏六月漢王
諒軍出臨渝關值水潦軍中乏食秋九月引兵還

煬帝大業八年春正月帝親征高麗遣二十四軍分道並
出右武侯將軍趙孝才出碣石道右驍衛將軍史祥出蹋

頓道秋八月勅運黎陽洛口太原等倉穀向望海頓

通鑑
註望

永平府志

卷之一

十

海頓當在
遼西界

十年春三月帝征高麗癸亥次臨渝宮禡祭黃帝斬叛軍
者以鬷鼓夏四月甲午車駕次北平秋八月己巳班師
十一年春二月幽州賊帥楊仲緒攻北平滑國公李景擊
破之

十二年秋渤海賊帥高開道陷臨渝圍李景于北平

唐高祖武德元年營州總管鄧暲將兵救之景帥其衆遷
于柳城開道遂取北平

五年冬十月契丹寇北平

太宗貞觀十九年春二月上親征高麗夏四月丁巳車駕至北平秋九月癸未班師冬十月丙辰皇太子迎謁于臨渝關戊午次漢武臺刻石紀功

武后萬歲通天元年夏五月契丹李盡忠孫萬榮反秋八月丁酉左鷹揚衛將軍曹仁師右金吾衛大將軍張玄遇

司農少卿麻仁節等與契丹戰于硤石谷

唐書平州有西硤石東硤石二

成唐兵大敗契丹飛索以縑玄遇仁節生獲之進攻平州

刺史鄒保英妻奚氏率家僮女丁乘城不下

神功元年春三月清邊道總管王孝傑蘇宏暉等將兵十

永平府志

卷之一

十一

七萬與孫萬榮戰于東硤石谷唐兵大敗孝傑死之

睿宗景雲元年冬十二月奚靄犯塞掠漁陽雍奴出盧龍

塞而去幽州都督薛訥追擊之弗克

玄宗開元二年春正月命薛訥率兵六萬討契丹行至灤

水山峽中契丹伏兵擊之唐兵大敗

八年營州都督許欽澹遣兵擊契丹可突于戰敗移軍入

榆關

隋唐史文
多作榆

天寶元年春正月分平盧別爲節度統平盧盧龍二軍以安祿山爲節度使

十五載夏四月平盧先鋒使董秦襲榆關北平殺賊將申子貢榮先欽

代宗廣德元年春正月史朝義北奔奚契丹至溫泉柵

唐書

溫泉柵在平州界石城縣東北其將李懷仙遣兵追及之朝義窮蹙縊于

林中

德宗貞元十一年夏四月幽州盧龍節度使劉濟奏奚王
啜刺等寇平州擊走之

昭宗乾寧二年契丹王阿保機遣其妻兄阿鉢將萬騎寇
榆關幽州盧龍節度使劉仁恭遣子守光誘而執之

永平府志

卷之一

十二

昭宣帝天祐四年夏四月劉守光囚其父仁恭秋七月其
兄平州刺史守奇率其衆數千人奔契丹

後梁太祖乾化二年秋七月契丹王遣其弟刺葛攻平州

破之

通鑑繫在上
年今從遼史

均王乾化三年夏四月己亥晉劉光濬拔燕平州執刺史

張在吉 冬十二月晉王以周德威爲幽州盧龍節度使

德威恃勇不修邊備契丹每芻牧于營平之間

詳見
古蹟

遼太祖天贊二年春正月丙辰大元帥堯骨克平州獲刺

史趙思溫裨將張崇二月如平州甲子以平州爲盧龍軍

置節度使

天顯元年秋七月盧龍行軍司馬張崇奔唐通鑑作張希崇冬十

月盧龍軍節度使盧國用奔唐通鑑作盧文進又文進之奔在後唐明宗天成元年

而希崇之奔乃在三年遼史同繫一年而崇奔在七月國用奔在十月今從遼史

聖宗統和元年秋九月以平州旱蝗賑之

四年春二月詔林牙勤德率兵守平州之海岸以備宋

十五年春三月募民耕灤州荒地免其租賦十年夏四

月詔平州決滯獄

十九年冬十二月免平州租稅

永平府志

卷之一

二十八年秋八月賑平州饑民

二十九年春三月平州水賑之

道宗清寧十年春二月蠲平州復業民租賦

太康元年夏四月賑平州饑閏月賑平灤二州饑

五年冬十月賑平州貧民

六年夏五月免平州復業民租賦一年

壽隆六年冬十月以平州饑復其租賦一年

大安四年春三月賑平州饑

天祚帝保大二年春正月金人克中京平州軍亂殺節度

使蕭諦里州人推張穀領州事

三年春正月丁巳奚王回離保據盧龍嶺自稱大奚皇帝
二月金升平州爲南京加張穀試中書門下平章事判
留守事 夏四月金人徙遼降臣故同平章事左企弓虞
仲文曹勇義參知政事康公弼等 寧至平州張穀執
企弓等數其罪而殺之五月甲寅穀仍稱保大三年以平
州附宋 宋郭藥師追擊回離保至盧龍嶺回離保遁去
尋爲其下所殺 冬十月己亥張穀以精兵萬騎擊金將
闍毋于兔耳山敗之宋以平州爲泰寧軍以穀爲節度使

永平府志

卷之一

十四

十一月金主命宗望擊穀庚午戰于平州東大敗之穀奔

宋金人圍平州州人立張敦固爲都統乘城拒守

遼史並
誤繫在

四年

四年夏五月乙巳闍毋克平州執敦固殺之

五年秋九月宋兵自海道破金九寨殺馬城縣戍將節度

使度盧幹

金太宗天輔三年冬十月丁巳以闍毋爲南京路都統埽
喝副之知樞密院事劉彥宗兼領漢軍都統自南京入燕
山伐宋

天會四年秋九月改南京爲平州遼興軍爲興平軍節度使

世宗大定元年冬十月丙午卽位于遼陽甲子興平軍節

度使張玄素上謁已丑幸中都

貞元元年改燕京爲中都

十二月甲辰

次海濱縣

在今山海關東百二十步

丁巳至中都

二年夏六月己卯遣溫迪罕阿魯帶以兵四千屯古北口

薊州石門關等處各以五百人守之

時契丹窩幹叛

三年春二月庚午徙灤州饑民于山西就食

四年秋九月己丑以平薊二州蝗旱民多鬻爲奴者出内

永平府志

卷之一

十五

庫物贖之

十八年春正月壬戌如春水

十九年春正月丁卯如春水

二十年春正月己巳如春水丙子幸石城縣行宮丁丑以

玉田縣行宮之地偏林爲御林大淀灤爲長春淀

二十一年春正月甲子如春水以薊平灤等州民乏食命

有司發粟賑貸二月戊子元妃李氏薨己丑皇太子及扈

從臣僚奉慰于芳明殿辛卯還殯京師庚子上還都

金史世宗

卽位感念昭德皇后不復立后元妃下皇后一等在諸妃上

冬十二月罷平州椿配

鹽課

二十二年冬十月辛丑徙河間宗室于平州

二十三年春正月壬午如春水

二十四年春正月戊戌如長春宮春水

二十五年春二月丁丑自上京如春水

二十六年春正月甲辰如長春宮春水

二十七年春正月庚戌如長春宮春水

二十八年春正月甲辰如春水

章宗明昌元年春正月巳卯如春水

永平府志

卷之一

十六

三年春正月壬戌如春水

四年春二月戊戌朔如春水癸丑獵于姚村淀

六年春正月壬辰如春水乙卯次御林

承安五年春正月丙申如春水

泰和元年春正月庚午如長春宮春水

衛紹王至寧元年蒙古兵分三道南侵以合撒兒等爲左

軍循海而東掠平灤諸郡 秋八月壬辰右副元帥紇石

烈執中反弒上于衛邸盡撤沿邊諸軍赴中都平州騎兵

屯薊州

宣宗貞祐二年夏四月僑置臨潢府于平州 六月蒙古兵南下追金將招燈必舍及于平灤降之

三年夏五月以烏林荅乞住爲興平軍東西經畧使完顏合達爲臨潢府推官權元帥右監軍會燕南兵復中都行至遷安軍變殺乞住擁合達還平州推爲帥 秋八月蒙古兵攻平州完顏合達以城降權領永安軍事鮮卑仲吉以灤州降蒙古改興平軍爲府

四年冬十月完顏合達自平州浮海歸金

元太宗六年興平豪李仙趙小哥等作亂塔本討平之

永平府志

卷之一

十七

世祖中統元年升興平府爲平灤路置總管府

時西域人塔本世襲

行省總管于平州

三年春二月李壇反于山東辛亥勅元帥阿海分兵戍平灤海口癸丑詔籍民兵守城

至元三年夏五月蠲平灤質子戶賦稅之半

十三年平灤饑發粟賑之

二十年夏六月免平灤路今歲絲料 秋七月免平灤路

今歲俸鈔

二十四年夏四月諸王乃顏反五月帝親征詔范文虎將

衛軍五百人鎮平灤 六月括平灤路馬

二十六年秋七月發至元鈔市平灤馬 冬十一月發米
千石賑平灤饑民

二十七年夏四月免平灤路今歲俸鈔

二十八年秋九月辛酉以平灤大水詔今歲田租被災者
全免收成者半之 冬十二月賑平灤饑民

二十九年春三月丙午免平灤今歲公賦 九月丁丑以
平灤路大水且霜免田租二萬四千四十一石

成宗大德六年春三月丁酉免平灤差稅三年

永平府志

卷之一

十八

七年冬十月改平灤路爲永平路

十一年武宗即位秋七月乙亥以永平路爲皇妹魯國長公主
分地租賦及土產悉

武宗至大元年夏四月詔以永平路鹽課賜祥哥剌吉公
主中書省臣執不可乃止

三年春三月辛卯發康里軍屯田永平

仁宗至大四年秋九月丁巳以永平路歲入除經費外悉
賜魯國大長公主

英宗至治二年夏五月置營于永平收養蒙古子女

泰定帝泰定三年春三月賑永平饑民免其田租之半
秋七月賑永平饑民 冬十一月弛永平路山澤之禁
免永平田租

四年春二月賑永平饑民 夏四月賑永平饑民免今年
田租 冬十一月蠲永平田賦三年

致和元年秋七月庚午上崩于上都八月甲午留守大都

僉樞密院事燕鐵木兒迎懷王于江陵

元史至元九年二月改中都爲大都

丁酉發兵守遷民鎮庚戌發平灤民塹遷安鎮以禦遼
東軍九月甲子上都諸王也先帖木兒平章禿滿迭兒以

永平府志

卷之一

十九

遼東兵入遷民鎮丙戌戰于薊州之東

文宗天曆二年春二月賑永平饑民糧五萬石

順帝元統二年春二月賑永平水災民鈔五千錠

至正四年春閏二月辛酉朔賑永平饑民

五年春三月賑永平饑民

十三年春正月辛未命悟良哈台烏古孫良楨兼大司農
卿給分司農司印西自西山南至保定河間北至檀順州
東至遷民鎮凡係官地及元管各處屯田悉從分司農司
立法佃種合用工價牛具農器穀種召募農夫諸費給鈔

五百萬錠以供其用

二十年秋七月乙未平章程思忠叛陷永平路昌黎縣尹周宏死之詔也速討之復灤州及遷安昌黎撫寧三縣

二十一年春正月思忠棄城走追至瑞州殺獲萬計復永平路

二十二年秋八月以也速爲遼陽省左丞相知行樞密院事開省永平

明洪武元年秋九月戊申大將軍徐達遣都督同知孫興祖等徇永平元分省叅政崔文耀以州縣來降興祖留平

永平府志

卷之一

二十

章俞通源等以元五省八翼兵守之

二年春元行省丞相也速寇永平

六年冬十二月元兵寇撫寧縣及瑞州詔罷瑞州遷其民于灤州徙撫寧縣治於洋河西

十三年冬十一月元平章完者不花與乃兒不花率騎數千入桃林口寇永平指揮劉廣戰死千戶王輅追擊至遷民鎮敗之擒完者不花

十四年春正月辛亥大將軍徐達發燕山等衛屯兵萬五千一百人修永平界嶺等三十二關

十七年北平留守傅友德奏通漕運

詳見漕運

二十年春三月征虜大將軍馮勝等率師出松亭關六月至金山降元將納哈出

建文元年春三月勅都督耿璫將兵屯山海關 秋七月

丙戌靖難兵至永平指揮趙彝千戶郭亮百戶吳買驢等

以城降

買驢後改名成封清平伯

庚寅大寧兵出松亭關攻遵化壬辰

燕王來援兵退守關癸巳百戶魯敬敗大寧兵於遷安之釣魚山丙申燕王回北平 九月江陰侯吳高都督耿璫

楊文帥遼東兵圍永平焚西門燕王自將救之營于永平

永平府志

卷之一

二十一

城東追奔百餘里斬首千餘級高等退保山海關王遂引兵出劉家口 冬十月燕兵襲破大寧

二年夏四月遼東兵下昌黎五月指揮僉事谷祥敗遼東兵于定流河秋七月又敗之於部落嶺克兔耳山寨八月遼東兵圍永平不克

三年春正月遼東兵圍遵化敗之於清水寺橋 夏五月遼東兵圍永平指揮吳興旺谷祥晝夜對敵凡八十日燕王遣指揮劉江救之大破遼東兵于昌黎斬首數千級冬十一月燕府論守永平功軍士普陞一級爲小旗小旗

陞總旗總旗陞試百戶以上普陞一級

四年夏五月遼東兵至永平都指揮僉事谷祥引軍過小

河至十八里舖拒却之論功普陞一級

衛卒前普小旗無卒故普爲總旗

洪武三十五年秋九月封郭亮爲成安侯趙燹爲忻城伯

永樂元年遷南民來屯

二年春二月命成安侯郭亮鎮永平都指揮同知費瓏鎮

山海

洪熙元年命襄城伯李隆鎮山海

宣德三年秋九月上出喜峰口擊兀良哈大破之班師自

永平府志

卷之一

二十二

喜峰口入還京師 冬十月命遂安伯陳瑛鎮永平武進

伯朱冕鎮山海

四年命給山海至薊州軍士附近荒田屯守

正統五年夏六月遣吏部侍郎魏驥撫安永平等府蝗災

六年春三月遣大理寺右少卿李奎撫恤永平府州縣流

移饑民

九年春二月兀良哈三衛寇邊發兵二十萬討之分四軍

成國公朱勇出喜峰口由中路左都督馬諒出界嶺口由

北路興安伯徐亨出劉家口由南路左都督陳懷出古北

口由西北路踰灤河渡柳河經大小興州過神樹至全寧
遇福餘逆戰走之次虎頭山及流沙河遇泰寧朵顏又敗
之鹵男婦以千計馬牛羊以萬計 是年以應城伯孫傑
鎮三屯

十二年秋七月永平等府蝗災遣右僉都御史張楷捕之
景泰元年提督京東軍務右僉都御史鄒來學修喜峰迤
東至一片石各關城池

天順元年灤州人唐興以妖術聚衆作亂伏誅

成化二年命東寧伯焦壽鎮三屯

永平府志

卷之一

二十二

三年發軍屯田

六年夏四月遣吏部右侍郎葉盛安撫永平等府流移饑
民

七年夏六月遣戶部侍郎原傑賑恤永平等府水災

弘治五年命寧晉伯劉福鎮三屯

九年命定西侯蔣驥鎮三屯

正德八年命遂安伯陳鏜鎮三屯

十三年夏四月上東巡五月辛亥觀漁于偏涼汀駐蹕灤
州癸丑觀漁于沂河

嘉靖二十九年秋蒙古入犯至灤河東岸 初設薊遼提督

三十年改提督爲總督

三十六年春三月辛巳蒙古犯冷口壬午攻劉家口關副總兵蔣承勳死之遂陷桃林營掠遷安縣及永平至雙望堡夏四月甲申朔陷河流口及暮引去

三十八年春三月把都兒辛愛十萬騎入潘家口由三屯而西乙亥入遵化城丙子陷大安口營丁丑引去總督王忬論死

永平府志

卷之一

二十四

隆慶元年秋九月己巳蒙古土蠻十萬入沙嶺羅漢洞掠永平撫寧樂亭各縣衛屯社丙子掠昌黎引去

三年二月命建昌遵化車騎合營

從總理戚繼光之議也

萬曆元年命山海附石門爲十路每路各立車營每營駐騎步兵各一枝密雲遵化三屯三輜重營每營亦駐騎步兵各一枝

三年春正月長昂犯董家口總理戚繼光遣兵禦之獲其叔長禿

十七年設管關通判

二十七年潞王發粟賑饑

四十四年大饑詔發通倉粟賑之

天啓元年初設山海經畧山石道山海戶部分司 設海

運通判通海運

二年設山海理刑推官

三年設巡撫駐山海

五年命太監監視各邊

崇禎元年撤監視太監

二年冬十月 大清兵入龍井關破遵化十二月庚寅至

永平府志

卷之一

二十五

永平

三年春正月甲午入永平右布政兵備道鄭國昌知府張

鳳奇推官羅成功等死之盧龍知縣張養初郡人原任山

東叅政白養粹行人崔及第貢士楊熠等以城降 丁酉

攻昌黎知縣左應選固守七晝夜不下焚其郭而還 詳見宦蹟

丁未下灤州知州楊 死之 遷安知縣朱運泰以城

降 後養粹及第爲大清兵所殺獲運泰熠等送京師誅之 夏四月詔起原任按察

使永平道張春爲監軍兵備道駐樂亭 五月辛丑復灤

州 壬寅 大清兵自冷口東還 詔免永平灤州遷安

租

四年開河運

五年復命太監監視關永薊遼軍務駐山海

九年移清軍同知兼海防駐昌黎 秋七月 大清兵入

墻子嶺 九月出冷口

十年大饑發內帑賑之

十一年 大清兵入曹家寨

十二年春三月出青山口

十四年添設屯田道駐灤州

永平府志

卷之一

十五年冬十一月 大清兵入界嶺口息馬汀流河

在裴亭西

北二十五里

十七年春三月賊李自成犯京師封總兵吳三桂為平西

伯詔入援盡撤遼民入關分駐昌黎樂亭灤州開平等處

丁巳京師陷 壬戌平西伯兵至永平 四月平西伯

還駐山海遣將出關乞師 甲申李自成至永平丙戌至

山海大戰於城西石河我

大清順治元年 即崇禎十七年 夏四月 攝政王帥師抵山海平

西伯出迎於歡喜嶺庚寅師入關分三路平西為前鋒力

戰連破七營師乘之殲賊於紅花店 辛卯賊回永平殺

明總兵都督吳襄於范家店 五月

攝政王入京師 秋九月

皇上入關經永平駐蹕城外文武官朝見如儀賞賚有差

三年 命兵科郝璧來永平圈民田給旗下以各衛屯田
補民

四年春再圈民田

七年 詔釋英王投充人戶歸籍爲民

十一年饑 遣吏部左侍郎佟代大理寺卿郝傑齎銀布

永平府志

卷之一

二十七

賑永平貧民

十五年夏五月 遣刑部尚書白引謙啓心郎巴格賑永

平貧民 設工部分司

十七年撤工部分司

康熙六年秋九月丁巳

皇上幸遷安駐蹕城南謝留莊戊午由清節祠駐蹕灤河西

巳未駐蹕灤州南巖山庚申駐蹕錢家營辛酉回鑾

七年 詔發帑金遣官修邊城

八年春復圈民田 夏六月 詔追歸本年所圈民房民

地永行停止 秋七月永平道移駐通州更爲通永道
九年冬十月

皇上幸三屯駐蹕東寨文武官朝見 命武臣自副將以下
較射 賜宴 賜題知之爲知之不知爲不知是知也面
試知府蔡興周 命大學士哲那庫評閱其文 次日幸
永平

皇上由北門入自西門出至御營駐蹕於灤河之西
十年秋九月

皇上東幸謁

永平府志

卷之一

二十八

陵駐蹕於灤河之西登舟觀漁 召見盧龍知縣魏師段面
詢以愛民之實及其鄉貫奏對稱

旨 冬十月乙巳

皇上謁

陵回由北門 自西門出仍駐蹕於灤河之西次日回鑾
冬十一月 詔免灤盧遷撫地丁錢糧

十三年夏六月灤州添設滿洲駐防建營房於城內西北
隅

十八年復設工部分司

二十一年奉 恩詔蠲免地丁錢糧

二十四年樂亭縣水災 詔免未完民欠銀米草束

二十五年 詔免未完民欠錢糧

二十六年 詔免地丁錢糧

二十七年 詔賞八十九十百歲老人銀米絹肉有差

二十八年冬十月

皇上送

皇后梓宮至

陵幸米峪口狩于九山

永平府志

卷之一

二十九

二十九年 詔免錢糧之半

三十年冬十二月

皇上駕幸米峪口狩于九山駐蹕七日獲虎五隻 詔改九

山為五虎山

三十二年冬十一月

皇上謁

陵幸米峪口狩于五虎山

三十三年 詔免地丁錢糧 復設山海關戶部抽分是先

原設抽分子關因權關者苛徵虐民浙人倪寶鼎叩 閩鳴狀遂裁冬十一月

皇上駕幸米峪口狩于五虎山

三十四年灤州駐防滿洲奉文移駐郡城建營房于城內
東南隅

三十五年 詔免地丁錢糧

三十六年冬十月

皇上駕幸米峪口狩于五虎山

三十七年冬十一月

皇上東幸謁

陵回進山海關道經永平北門駐蹕於灤河之西次日幸米

永平府志

卷之一

三十

峪口狩于五虎山

三十八年冬十一月

皇上謁

陵幸米峪口狩于五虎山

皇太子奉天謁

陵回進山海關道經永平觀漁于偏涼汀

三十九年冬十一月

皇上駕幸米峪口狩于五虎山

四十年冬十二月

皇上駕幸米峪口狩于五虎山

四十二年 詔賞八十九百歲老人銀米絹肉有差

四十三年春二月

皇上駕幸米峪口狩于五虎山

四十四年冬十一月

皇上駕幸米峪口狩于五虎山

四十五年冬十一月

皇上駕幸米峪口狩于五虎山出喜峰口

四十八年 詔賞八十九百歲老人銀米絹肉有差

永平府志

卷之一

三十一

冬十一月

皇上駕幸米峪口狩于五虎山

四十九年冬十月甲子奉

上諭全免康熙五十年地丁錢糧并歷年民間舊欠

皇上欲將天下錢糧一槩蠲免因衆大臣以歲帑支給甚繁奏請勻計三年通免一周故于明年先免直隸奉天浙江福建廣東廣西四川雲南貴州九省地畝銀共七百二十萬六千一百兩有奇人丁銀共一百一十五萬一千兩有奇並歷年民間舊欠共一百一十八萬五千四百兩有奇通計蠲銀九百五十六萬二千五百兩有奇其餘六省

于後兩年候

旨全蠲

王言頒布寰宇歡騰眞千古未有之

十一月大雪嚴寒

皇恩也

皇上駕幸米峪口出董家口

康熙五十年十一月

上東巡二十四日永平府知府張朝琮遷安縣知縣喬于瀛
在三屯營西接 駕

上問是何人知府張朝琮回 奏_臣 永平府知府張朝琮
上霽容勒馬笑云阿那是何人知府張朝琮回奏是遷安縣
知縣喬于瀛

上問是何出身知縣喬于瀛回 奏是進士出身
上問有保舉麼知縣喬于瀛回 奏未有保舉

永平府志

卷之一

三十一

上問云朕記得巡撫題調密雲縣本內有永平府的知縣知
府張朝琮回 奏永平沒有調密雲的調的是永年縣知
縣于有慶藁城縣知縣朱英還有一鉅鹿縣知縣_臣 不記
得姓名

上點首是日駐蹕三屯營二十五日次灤陽城二十六日知
府張朝琮等在灤陽城北送 駕

上問云張朝琮你今年多大年紀了知府張朝琮回 奏_臣
五十八歲

上問李副將你嗓子好了麼副將李正春回 奏好了

上又問云說得出話了副將李正春回 奏說得出了是日
駕出喜峯口駐蹕夢子嶺

永平府志卷之一終

永平府志

卷之一

三十三